

Semat impian terima anugerah bersama rakan

Kuantan: "Saya tidak menyangka, bukan saja memperoleh keputusan cemerlang, malah lebih manis menerima anugerah khas bersama-sama rakan karib," kata Mohd Fathil Mohd Ismail (*gambar*), 23, penerima Anugerah Pingat Diraja (Pingat Diraja Cemerlang) pada Majlis Konvoquesyen Ke-9 Universiti Malaysia Pahang (UMP) di sini, semalam.

Anak pembantu kedai berasal dari Taiping, Perak itu berkata, dia dan rakannya itu, J Saravanan, 24, menyemat impian untuk menjadi antara pelajar terbaik sebaik diterima

melanjutkan pengajian Sarjana Muda Sains Gunaan di Fakulti Sains dan Teknologi Industri (FS-TI) di universiti berkenaan.

Dia yang kini bertugas sebagai

pembantu penyelidik di Fakulti Biologi Sains Universiti Malaysia (UM) berkata, setiakawan dan saling membantu memudahkan mereka memahami pelajaran memandangkan kedua-duanya aktif dalam pelbagai kelab dan persatuan.

"Kejayaan ini antara lain kerana kami memberi tumpuan penuh kepada pelajaran di samping tidak bertangguh untuk merujuk pensyarah jika ada topik tidak difahami dalam kelas," katanya ditemui selepas majlis konvoquesyen di Kompleks Sukan Universiti UPM kampus Gambang.

Tengku Mahkota Pahang Tengku Ab-

dullah Sultan Ahmad Shah yang juga Canselor UMP mencemarduli mengurniakan anugerah berkenaan kepada Mohd Fathil dan Saravanan.

